

UNIVERSITY OF SARAJEVO  
FACULTY OF SCIENCE

Broj: 01/01-455/12-2021  
Sarajevo, 10.05.2021. godine

Zmaja od Bosne 33-35  
Sarajevo  
Bosnia and Herzegovina  
Phone ++387 (0)33 723723  
Fax ++387 (0)33 649359

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), na Preporuku Komisije za javnu nabavku broj: 01/01-455/11-2021 od 06.05.2021. godine, u postupku nabavke roba – **KOMPJUTERSKA OPREMA**, Dekan Prirodno-matematičkog fakulteta Univerziteta u Sarajevu je donio

## **ODLUKU**

**o izboru najpovoljnijeg ponuđača  
po konkurentskom zahtjevu za dostavu ponuda**

### **Član 1.**

**Prihvata se Preporuka Komisije za javnu nabavku broj: 01/01-455/11-2021 od 06.05.2021. godine i ugovor za nabavku roba – **KOMPJUTERSKA OPREMA**, dodjeljuje se ponuđaču **ITD d.o.o. Sarajevo** čija ukupna cijena ponude iznosi **37.196,00 KM bez PDV-a**, kao najbolje ocijenjenom ponuđaču.**

### **Član 2.**

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Prirodno-matematičkog fakulteta Univerziteta u Sarajevu, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

### **Član 3.**

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

### **Član 4.**

Ova odluka objavit će se na web-stranici [www.pmf.unsa.ba](http://www.pmf.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### Obrazloženje

Na osnovu Odluke o pokretanju postupka javne nabavke broj: 01/01-455/3-2021 od 12.04.2021. godine, Prirodno-matematički fakultet Univerziteta u Sarajevu je pokrenuo konkurentski zahtjev za dostavljanje ponuda za javnu nabavku roba: **Kompjuterska oprema**.

Za provođenje postupka predmetne javne nabavke, Odlukom broj: 01/01-455/4-2021 od 12.04.2021. godine, imenovana je Komisija za provođenje postupka javne nabavke.

Obavještenje o nabavci broj: 654-7-1-90-3-4/21 objavljeno je na Portalu javnih nabavki dana 12.04.2021. godine.

Poziv za preuzimanje tenderske dokumentacije sa Portala javnih nabavki proslijeđen je putem e-mail-a 13.04.2021. godine sljedećim ponuđačima:

1. IMTEC d.o.o. Sarajevo
2. PRINTEX d.o.o. Sarajevo
3. MEDIA MARKET d.o.o. Sarajevo

Iz *Izvjestaja o preuzimanju tenderske dokumentacije* od strane ponuđača, vidljivo je da su u periodu koji je ostavljen za dostavljanje ponuda do 26.04.2021. godine, tendersku dokumentaciju preuzeli sljedeći potencijalni ponuđači: COPITRADE D.O.O., "D&D MONTAŽA" DOO BRČKO, PROINTER ITSS DOO, NETWORK I DOO, EKAPIJA DOO, BBS EUROPE, ALF-OM, SIECOM D.O.O., K-M SOLUTION D.O.O., PROTIM D.O.O. SARAJEVO, IMTEC D.O.O. SARAJEVO, "GRADPROM" D.O.O. SRBAC, ITD D.O.O. SARAJEVO, REBUS D.O.O., R&S D.O.O. SARAJEVO, NRG D.O.O, ASPO RAIL D.O.O., LANACO DOO, IMEL DOO, TIME CODE D.O.O. SARAJEVO, EMADO D.O.O. SARAJEVO, DOPERTECH, UNILAB D.O.O. AGENCIJA ZA ZAŠTITU LJUDI I IMOVINE, S CONSALTING D.O.O MOSTAR, MT MODERNE TEHNOLOGIJE, PRINTEX, ASBIS D.O.O., MEDIA MARKET D.O.O., MTF D.O.O., PLAN PLUS D.O.O., EMERGING MARKETS CONSULTANTS D.O.O., "PROINTER ITSS" D.O.O. SARAJEVO, "ELUR" D.O.O. KISELJAK, KAMER COMMERCE D.O.O., INTER-COM DOO ZENICA, OPTIMA D.O.O. MOSTAR, EUNOIA D.O.O. SARAJEVO, EUROSTAR D.O.O., DIGITARIJA D.O.O. DRUSTVO ZA ZAVJETOVANJE I USLUGE U INFORMATICI, INFOTECH STUDIO i TELNET D.O.O.

Iz *Izvjestaja o pitanjima i odgovorima* u periodu koji je ostavljen za dostavljanje ponuda, vidljivo je da je ponuđači nisu postavljali pitanja u vezi pojašnjenja tenderske dokumentacije.

Iz *Zapisnika o otvaranju ponuda* vidljivo je da je Komisija za javne nabavke dana 26.04.2021. godine sa početkom u 10:30 sati, po redoslijedu zaprimanja izvršila javno otvaranje blagovremeno prispjelih ponuda sljedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	ITD d.o.o. Sarajevo	Da	01/01-455-1/7-2021	26.04.2021. godine u 9:30 sati

2.	MEDIA MARKET d.o.o. Sarajevo	Da	01/01-455-2/7-2021	26.04.2021. godine u 9:40 sati
----	------------------------------	----	--------------------	-----------------------------------

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda je isti dan prosljeđen putem email-a svim ponuđačima koji su blagovremeno dostavili ponude.

Iz Zapisnika Komisije je vidljivo da Komisija za javne nabavke nije imala nejasnoća u ponudama ponuđača.

Komisija za javne nabavke sastala se 26. 04. 2021. godine sa početkom u 10:30 sati, radi pregleda i ocjene ponuda, odnosno da bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Nakon pregleda ponuda, Komisija za javne nabavke je konstatovala da je **ponuđač MEDIA MARKET d.o.o. Sarajevo** u svojoj ponudi dostavio sve izjave predviđene tenderskom dokumentacijom potpisane od strane Almina Begovića kao i ovlaštenje kojim odgovorno lice ovlašćuje Almina Begovića da može prikupiti i ovjeriti svu potrebnu dokumentaciju za navedeni predmet nabavke, a što nije bilo u skladu sa propisanim uslovima iz tenderske dokumentacije u kojoj je bilo navedeno da *ukoliko izjave i obrasce potpisuje lice koje nije upisano u registar kao lice ovlašteno za zastupanje ponuđača uz ponudu je potrebno dostaviti ovlaštenje za potpisivanje*. Konkretnije iz priloženog ovlaštenja se ne može utvrditi da je ovlašteno lice imalo i ovlaštenje za potpisivanje, te je Komisija konstatovala da ponuđač nije ispunio uslove predviđene tenderskom dokumentacijom i ponuda **nije uzeta u dalje razmatranje**.

Komisija za javne nabavke je utvrdila da ponuda **ponuđača ITD d.o.o. Sarajevo ispunjava** sve uslove za kvalifikaciju tražene Tenderskom dokumentacijom, te je u skladu sa naprijed navedenim **ponudu ponuđača ITD d.o.o. Sarajevo ocjenila kao prihvatljivu**.

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	<b>ITD d.o.o. Sarajevo</b> <b>Pijačna 114</b> <b>71000 Sarajevo</b>	0,00 KM	Cijena ponude bez PDV-a 37.196,00 KM 0% popust <b>Ukupna cijena ponude sa uračunatim popustom bez PDV-a =37.196,00 KM</b> PDV na cijenu ponude= 6.323,32 KM Ukupna cijena za ugovor 43.519,32 KM sa PDV-om

Ugovorni organ tenderskom dokumentacijom tačkom 15. je predvidio da će u svrhu poređenja ponuda primjenjivati preferencijalni tretman domaćeg u skladu sa Odlukom Vijeća ministara o obaveznom korištenju preferencijalnog tretmana domaćeg, donesene 01.06.2020. godine.

Komisija za javne nabavke je konstatovala da je ponuđač u svojoj ponudi u *Aneksu 2. Obrazac za ponudu*, pod tačkom 4. zaokružio da ponuda ne ispunjava uslove za primjenu preferencijalnog tretmana domaćeg, *te u skladu s tim Komisija za javne nabavke je ocjenila da se na ponudu ponuđača ITD d.o.o. Sarajevo ne primjenjuje preferencijalni tretman domaćeg.*

Iz *Zapisnika o pregledu i ocjeni ponuda* je vidljivo da je Komisija konstatovala da u ponudama *nije bilo računskih grešaka.*

Iz *Zapisnika o pregledu i ocjeni ponuda* je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 654-7-1-90-3-4/21 od 12.04.2021. godine predviđeno provođenje E-aukcije za kvalifikovane ponuđače, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Shodno navedenom, **Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Prirodno-matematičkog fakulteta Univerziteta u Sarajevu da se u predmetu nabavke roba: *KOMPJUTERSKA OPREMA*, donese Odluka o dodjeli ugovora ponuđaču ITD d.o.o. Sarajevo, čija cijena ponude iznosi 37.196,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

**Prilog:**

- Zapisnik o pregledu i ocjeni ponuda

**Dostaviti:**

- Ponuđaču: ITD d.o.o. Sarajevo
- Ponuđaču: MEDIA MARKET d.o.o. Sarajevo
- Dosije nabavki
- a/a

